

麗水縣志卷十四

雜記

施武子志會稽入瑣事於雜記厥體至善今倣其意爲之凡軼事見於他說得之傳聞者咸蒐輯焉以資觀覽亦多聞之一助也

何振卿枯蒼彙紀載唐貞元中郡守李敬仲洞溪十詠曰翠潭

青室桃源竹嶼琴石釣磯虛廊響瀨峭壁崎巖凡七律十章考唐人無拈

十題按次作律體詩者瑣屑攢湊略無氣格姑弗深論其翠潭詩云潭

翠標名直至今竹嶼詩云當初好翫人何在顯爲後人語氣

何氏不審而誤收之也然王梅溪詩云我向思賢亭上坐愛

麗水縣志

卷十四

雜記

一

麗水啓明印刷所代印

山兼愛昔人詩則宋代敬仲詩猶存矣雍正處州府志又有

湯玉茗追和十詠彌不成語不知是何僮父嫁名也王象之輿地紀

勝有處州刺史李鉛碑彙紀鉛誤鉛桐鄉屠本仁曰敬仲疑卽鉛字彙紀誤析爲二然無確證

唐朱慶餘和處州韋使君新開南溪詩地理光圖讖樵人共說

深句有誤悠然契高躅坐使變荒岑疏鑿應殊舊亭臺亦自今

靜容猿暫下閒與鶴同尋轉旆馴禽起褰帷薄溜侵石稀潭

見底嵐暗樹無陰躋險難通屐攀栖稱抱琴雲風開物意潭

水識人心攜榼尋花徧移舟惜景沈世嫌山水僻誰伴謝公

吟考處州大溪故在城南此云新開者蓋因而濬治之增飾

景物以供游覽非別開一溪也

擇山東麓有墓碑刻宋孝童周智墓乾隆六年典史奉天朱兆熊立考舊紀及梅田周氏家乘大觀三年智年六歲紹興十年授迪功郎二十七年卒年四十九矣在當時以冲齡著美相與童之後世追書當更題孝子不應沿襲童稱也今按紹興十年智年三十有七而所賜誥誥有曰勅賜童子出身紹興十六年智年四十有三而所授勅有曰以孝童賜童子出身况智墓旁之巷至今沿稱曰周孝童巷而其族人至今沿稱曰孝童公是智之得以顯於時而彰於後者皆由童年之特異於人也前人慎重而書之後人輕易而更之適以啓後世之疑竇耳民國十二年其後裔重修墓道亦仍其舊洵非無意

秦少游處州閒題詩云清酒一杯甜似蜜美人雙髻黑如鴉莫誇春色欺秋色未信桃花勝菊花蓋寓感之作括蒼彙紀載

其文英閣

在山下

二律云都門將酒惜分攜歸路駸駸望欲迷

麗水縣志

卷十四

雜記

二

麗水啓明印刷所代印

千里又看新燕語一聲初聽子規啼春風天上曾揮翰遲日江邊獨杖藜回首三山樓角晚斷雲流水自東西流落天涯思故園散愁郊外任蹒跚雲歸邃谷知無雨風捲寒溪近沒灘已覺雁將歸楚澤遙知春又到長安桑林麥隴依稀是只欠秦川萬里寬二詩淮海集不載詩云歸路駸駸又云流落天涯語意違反殆非一時之作亦未必文英閣作也

秦少游好事近詞有醉臥古藤陰下之句

附見古蹟鶯花亭下

冷齋夜話

云少游在處州夢中作此詞後南遷還終於藤州晁无咎詞云醉臥藤陰蓋人已去詞空在卽用少游此詞也括蒼彙紀又載少游滿庭芳詞卽所傳山抹微雲天連衰草者考漁隱

叢話乃越州蓬萊閣作非栝郡故實近歲吳中張迪民大令登萬象山謁秦淮海祠詩云我來七百餘年後山抹微雲正晚秋亦沿彙紀之誤也

宋史吳安國傳但云使金金人拘留脅服之而不詳其年數宋潛溪吳君妻邱氏墓銘云吳伯京宋太常少卿安國之五世孫太常使金被留七年而不變節可以補史傳之闕又有猗歟詩一篇序曰猗歟美君子也君子謂奉常吳鎮卿蚤以文顯使于金源不辱君命故作是詩也詩曰猗歟君子在括之陽粲然其章有玉其相厥聲孔揚聲之伊何如巖之峨峨不劇不頗屹立而弗阿兵氣氛如其勢綿如酣如連如貪噬我

麗水縣志

卷十四

雜記

三

麗水啓明印刷所代印

中區君子揚揚爲天子使誕敷皇靈以讐其類彼何人斯是絜是維不虞其無拂我金其躬我赤其衷我節之崇以迄于終皦爾之行孰能尤之貞爾之剛孰能柔之游麟之冲冲兮鳴鳳之嗒嗒兮我思君子維邦之容兮鎮卿安國字也

紹定戊子高踈寮守郡有村民獻雙蓮花者三雙蓮實者二高賦詩云曉閣晴初公事少野人來獻瑞蓮圖見彙紀

麗邑見存古刻盡載李金瀾學博括蒼金石志中考宋王象之輿地碑目收麗水唐碑五未知存否錄以俟訪刺史李鋈送

行記

正元中李爲刺史朝上之贈行者二十三人石刻今存

好道廟碑

在麗水縣東十里唐大中十年

刺史段成式作廟記今存

唐青田縣尉楊光于作隱難記

在麗水縣北六里之東巖

唐贈歙州刺史葉公神道碑

李邕撰韓擇木八分書其在麗

水縣北一百二十里冲真觀中

陳松司馬墓碑

在麗水縣西四十里郎其山下碑及銘記並任省公文

案東巖及冲真觀地今割隸宣平刺史李鋁栝蒼彙紀作李

鉛得此可正其誤

葉夢得吳縣人見宋史處州府志誤以為松陽人浙江通志於

人物門曾糾其失而選舉門仍襲其訛案石林避暑錄話云

己酉冬避地將之處州道縉雲欲游仙都聞潰兵入境遽止

云云其非括人似無可疑而宋潛溪麗水葉府君墓碑云葉

氏世居松陽卯山宋初遷麗水水東里至崇信軍節度使贈

檢校少保夢得始以經學著稱世稱石林先生者也府君先

麗水縣志

卷十四

雜記

四

麗水啓明印刷所代印

生十世孫云云信然則又為麗產矣疑潛溪因人家狀書之

未嘗深考致有此誤且集中多有偽作難為確證也

高似孫剡錄載江朝宗梅花詩云小小人家短短籬冷香溼雪

两三枝寂寥竹外無窮思正倚江天日暮時厲鶚宋詩紀事

云江朝宗括蒼人范石湖集有送江朝宗歸括蒼詩

半生三邂逅相

看成老翁詩情故率褱袖有天地峯江山佳麗地登臨苦匆匆塔燈落淮水寺樓倚霜空攬拾著錦囊撫掌誇窮工歸轡不可

挽思入孤征鴻洞天我昔游俯仰星一終士女歎契闊吏民念罷癯婆娑故將軍白髮簿書叢足趼雖四方夢寐烟雨東歸田

有脚力尚往尋行踪期君斬寒籐伴我搯枯筇

又有范老前歲相別約歸括蒼便游

四明今不知何地暇日有懷詩

春色重來意未闌故人一去肯復還括蒼洞天歸舊隱補

陀海岸尋神山杖履雲烟遠游樂衣裳風雪行路難鴻飛冥冥鷗浩蕩安得置之鷄鶩間

又有題范道士

二牛圖詩

西疇濂場靜無塵原頭遠牧秋草春一牛疾行離其羣一牛返顧如怒瞋目光炯炯獐而馴點綴毫

末俱畢真不顛不狂筆有神妙哉吾宗散仙人

考朝宗範老子珉舊志俱不載未識

何縣人附識俟考

彙紀載陸放翁南園七律二首七絕二首

見古蹟

本集失載案數

詩氣格渾健情韻悠長非後人所能僞爲并同時亦無此手蓋翁曾爲福州甯德簿往返皆道括故詩云南游雲海歎茫茫又泛歸舟到括蒼也

宋浯溪潘郁葬父母於龜山墓田梅著五花重臺豐瓣類牡丹後其子叔豹淳熙八年登第叔豹子杞嘉定元年登第檜淳佑二年登第梓梗栝皆貴顯彙紀以爲明洪武中事又云潘

麗水縣志

卷十四

雜記

五

麗水啓明印刷所代印

伯濟兄弟五人皆顯考伯濟名堯心官按察司僉事兄弟無顯者彙紀誤也

葉公佑字承禧紹興間人隱居高溪不干榮利身長九尺五寸有自嘲詩云古有文王長十尺我今一丈待如何愧無半策匡時難略似曹交食粟多壽至一百二十歲

王琮三巖詩云閒攜一壺酒來對雪巖斟秋老瀑飛瘦石寒雲宿深坐無僧共話行有鶴隨琴此處儘不俗令人生隱心宋詩存小傳云琮錢塘人紹興間嘗避地居栝著有雅林小稿陶宏景對謝中書啟云高峯入雲清流見底兩岸石壁五色交輝青林翠竹四時俱備宋錢塘吳說處州山行詩云方隨碧

澗落忽在白雲端樹密晝猶暗山深晴亦寒皆善狀山中景物者也

梁子奇椅 戒火化文云胡人無禮義其俗固然吾鄉閩閩之家逢掖之士何忍出此蓋宋代或頗有此風也近惟閩商歸骨者偶一爲之士著人無復有此然司牧者當慎其舊坊也

馬裕齋光祖

知處州禁民捕蛙有村民剗冬瓜實蛙於腹仍掩

其蕃黎明入城爲門卒所捕裕齋問何時捕此曰夜半有知者否曰妻耳裕齋追其妻詰之乃妻所私者令導其夫爲之又先語門卒欲陷其夫而據其妻也遂置妻并所私於法見趙葵行營雜錄今麗水人有以食蛙爲戒者裕齋風流也

麗水縣志

卷十四

雜記

六

麗水啓明印刷所代印

曾茶山次處州守謝景思寄勸農詩韻有云無路從公上煙雨夢魂常繞處州山以地有煙雨樓也不得其解遂疑煙雨不可言上矣景思名伋守栝在紹興中又文淵閣書目有高似孫烟雨詩一冊內閣書目作煙雨齋集疑亦其守栝時作也袁清容集賈相嘗曰浙東惟溫處士可任事四明士不宜用斯言大爲溫處之辱然似道當國時麗邑人士不聞有所附麗茲可以無愧矣

林霽山景熙

登處州城詩寒芒曾動少微星一水溶溶疊嶂橫

落日漁舟吹遠笛斷煙戍屋帶荒城沙鷗欲近始招隱關樹無多亦厭兵却憶鶯花亭下路太平簫鼓沸春聲考今城建

於元總管幹勒好古霽山所詠猶宋代故城也

張子萊

芳年

南明懷古詩營穿棗樹炊煙密嶺入桃花戰血多

蓋城內多隙地至中衢始稠密而桃花嶺爲從前戰場近歲
粵匪之亂亦鏖戰數十次是詩信而有徵矣

元史儒學傳陳繹曾處州人古栝遺芳及括蒼彙紀作麗水人
浙江通志載其鄭氏義門事蹟傳自署吳興人吳興續志亦
載其名豈括產而僑居茗水歟又繹曾著文筌譜論自序稱
汶陽左客則又嘗流寓齊魯間矣

姜山有懸藜閣舊傳元末高明撰琵琶記於此案燒雙燭填至
喫糠齣句云糠和米本一處飛雙燭花交爲一而鄞志云明

避亂主於沈氏樓作琵琶記成清夜按拍歌舞几上蠟炬二
枝光忽交合遂名樓爲瑞光溫州府志亦云明寓鄞之櫟社
以詞曲自娛蓋則誠屬稿於括斷手於鄞故兩地交傳其事
萬季野鄞西竹枝詞注云明撰此記一夕而成殆非也

浦江戴良九靈山房集邁里古思公平寇詩序云至正丁酉奉
行軍鎮撫邁里古思公以處寇四出大侵我婺乃請命憲臺
總率諸軍而東已而婺之永康武義等縣咸獲清厥境土轉
危爲安而處之積年老寇卒至繫頸麾下俯伏請命遠近聞
之莫不怖駭失措罔敢違越且其師行之日市無廢賈野不
輟耕誠近代將帥之所罕及良雖愚懦疲弱不得備戎行致

死命以親睹號令之嚴明軍容之炳耀然居婺之西鄙其去平寇之地不數舍近得諸傳聞可考不誣又常粗讀書執筆爲文章是宜首出歌詩以稱述其萬一輒依古作四言詩一首凡五百一十有四字庶貽諸後世有以見公之忠勇云詩曰於皇乃元奄有萬方孰爲小醜敢擅而狂惟括有民厥細如蟻竟怙其姦叫呶以起根旣蟠矣苞枿薦達其出穰穰彌甌藪越遂忽西奔以蹂我土披其都邑扼其險阻維是戎士狃於安平莫振而伍獨戍以兵桓桓我公虎奮臺端請師往征其徒三千亦旣禡纛于門于社獸盾熊旂魚魚雅雅我出我車自彼征途庶士饒之清酒百壺迺命其佐敕我卒旅是

惠是訓以綏士女勾無之野婺女之墟男歌於道婦笑於廬進次於峴其衆蠢蠢士飽而騰將勇而奮公曰勿亟我山我川我其詢之周道宛宛遂申部曲選爾精銳爰拔爰克指曰揣視兵貴奇勝以退爲進彼兇罔知遂乃大慶起召而黨炙牛行酒謂今汝勞婺其可有旣謀厥謀羣師倍驍迺畫其宵乃邇其遙彼曾不虞卒見窘迫廣野茫茫無地可穴莫挾汝弓莫椎汝鼓投汝戈矛歸我砧斧其黨復集卒抗我師窮兇極頑洋洋而來我公曰嗟是不可宥進截其衝潰其羣醜諸將四合以翼以前械手繫脰俘獲連連我公曰嘻寇情靡測益蹈彼疆胡陳是壁寇乃日蹙莫究所圖卒火其廬自殲厥

家捷上臬臺有命召公勿久煩苦歸奏爾庸公迺返旆整兵
頓馬曰安其驅毋恐觀者其亂既平我土以清克清我土維
我公之武武其戢矣婺民輯矣輯我婺民維我公之仁維公
布仁維天降報皓髮龐眉錫公壽考既錫以壽復介以福金
節煌煌享有百祿公曰無庸匪我之功天子仁聖以釐萬邦
爾釐既定四方亦安乾清坤夷皇家萬年案此爲至正十七
年平處寇而作詩云胡陳是壁胡陳爲縉雲地其擾及麗水
與否初無明文然既云彌甌藪越度必在蹂躪中矣以紀志
未及此事故錄以補之

明正德中分守參議耿定兵備僉事王晟禦山賊陶得二死於

麗水縣志

卷十四

雜記

九

麗水啓明印刷所代印

破橋

勞堪二忠祠記作
周坦俱宣平境

晟子甫六歲聞變欲往尋父屍以戒

嚴不得出哀號墮城死夫創痛殞生既不能援國殤之例馨
以俎豆又不獲於隔代之後護其瓦棺而冲齡純孝哀動人
天附書於此庶後之覽者興憑弔之思焉

張東之兵備

題名碑失載
其名俟考

聚書栝蒼行院其同年祝篁溪參議

鑿

爲之銘而刻諸石銘後備載書目凡三百二十五種共二

千 百冊時正德十六年也後道院改爲學政校士館碑遷
於麗水縣署書則不知散落何所矣

明一統志載麗水產青瓷器求之不得惟西鄉寶定村有廢窯
三十六所云昔時一窯舉火有白氣次第入他窯不熱而燃

後察其異相約同時舉火見白氣騰空去自是器遂苦窳不售壘亦漸圯今時有破盃殘盃出於沙礫無復完美者

郎仁寶七修類藁云王禹偁當直賦新月詩限敲梢交韻詩曰禁鼓樓頭第一敲乍看新月上林梢誰家寶鏡新磨出玉匣參差蓋不交余忘年友處州王義中少時同余夜坐因新月語此詩明日王呈一詩云風外空傳藥杵敲雲邊惟見桂枝梢定疑今夜蟾蜍小含出明珠口未交余訝之以爲他日必成大名惜爲弟子員不久下世至今夢寐思之案義中不知何縣人書以俟考

馮瑤浙江處州人叔公讓以少監鎮福建進燈有寵時修寰宇

通志馮求書辦內臣王誠因啗內閣大臣各舉一人於是王文舉驛丞某陳循舉其鄉人周某蕭鉉舉監生溫良高穀舉其壻王清商輅舉其媼蔣銘良誠舉馮瑤及文等敗所舉皆不用獨瑤推爲典籍天順二年乞陞錦衣衛千戶理鎮撫司刑成化二年進指揮僉事巡江擒江賊劉顯文等六十餘人誅之瑤內依中貴外任樞要富侈驕盈荒於聲色一旦暴亡以上見王文恪震澤紀聞案瑤爲封明威將軍馮哲之子哲墓表爲商文毅所撰石刻尙存紀聞馮作馬他書載瑤事亦有作馬者皆誤脫偏旁也墓表稱哲讀書通大義善譚論古今鑑別法書名畫孝於二親友愛諸弟處己嚴毅待物平恕

云云但瑤以倖進以惡終墓表所云未必非瑤之誣其先者
不得以出文毅手遽信爲實錄也故人物門不據以入傳
白巖彌陀庵有清乾隆三十二年碑云本都衆等奉前任梁主
檢充虎兵捕虎除害屢捕虎隻呈送府憲蒙諭准免雜項夫
役云云是時距耿逆之亂九十餘年而人烟尙未稠密故猛
獸得以窟穴康熙中劉在園太守詩云官舍夜深曾過虎山
村日午不聞鷄又云虎當官道鬪猿上驛樓啼皆紀實也前
經粵匪之亂村落凋殘同治二三年間深山窮谷復有虎跡
今則休養生息無復是矣

清嘉慶初教諭永康應恆齋

正祿

修孔子廟有老農緝緡錢至

自云下墘周連璧問其產則有田二十畝耳他日復囊錢至
曰往時夢人勸予捐金若干予諾之前數尙未足也越歲又
至陳豆觴肅衣冠望殿廷遙拜詢其故曰元日夢神告余家
中有人在學讀書喜得嘉兆耳恆齋爲書事一篇刻之是時
連璧惟一子亦業農後舉一孫名良謨始爲諸生今曾元皆
列衣冠矣

鄴善長漣水注云池之四周居民駢比填徧穢陋而泉源不絕
麗城張公橋爲居民澣濯之所而水色澄清亦以有泉源耳
名勝志以爲呂洞賓曾洗楮被故水不臭穢失之誣矣

處郡十邑之水除慶元半入閩江景甯半入青田青田逕入甌

海餘皆匯於麗邑經城東佛頭巖以入青田巖有硝石橫截中流甚雨則難於宣泄故時有水患南明山高陽洞有磨崖刻云紹興甲子丙寅洪水暴漲約高八丈人避於樓死者不可勝計云云蓋紀異也近歲諸山經棚民墾闢土質疏墳蛟水驟發挾以壅溪患且有甚於昔者不知有何通變之術也張村街葉宅井日午有清苔上浮餘時澄清可飲案紀文達閱微草堂筆記載京師虎坊橋西一宅爲劉雲房副憲所居中有一井子午二時汲則甘餘則否文達謂莫明其理今此井午時既濁則子時亦未必可飲殆與文達所云正相反耳

栝蒼驛丞不知置於何時

孟淳重修麗水縣志云大德元年以爲栝蒼驛以舊驛爲縣治則其來久

麗水縣志

卷十四

雜記

十二

麗水啓明印刷所代印

矣

清乾隆中裁道光十五年六月水南池中得銅印文曰栝

蒼驛記九疊篆文左側鐫栝蒼驛記四字右側鐫字九百

六十七號八字背左鐫甲寅年七月日六字右鐫禮曹造三

字俱楷書前在麗水縣庫嘉興李金瀾學博以明史職官志

禮部所轄鑄印局大使一人與禮曹語符定爲明代所鑄

宋史

百官表少府監掌鑄牌印諸記

惟明有五甲寅印不著年號未知何代又馮

公嶺上劉山元世置驛

劉文成有劉山驛詩

設官與否則不可知又元

魏樸墓誌云至正中除本縣寶定課稅局副使不知是職又

裁於何時也

桃花嶺跨麗縉二邑之間紆回五十里爲甌括赴省孔道儀徵

阮芸臺相國撫浙時於銀場俞嶺之交篆刻括蒼古道四字於石壁或云古道由郡北稽勾嶺出武義後以路險改從桃花嶺土人由舊路至金華可省一日程今考桃花嶺卽馮公嶺葉水心馮公嶺詩云馮公此山民昔開此山居屈盤五十里陟降皆林廬宋代已作爾語則此稱古道無可議者從稽勾嶺者蓋土人別開捷徑耳

宋劉宰翁卷元陳高許謙俱有馮公嶺詩

道光十五年陳鏡帆學博於砦龍口嶺伐石通道磨崖刻古括蒼道四字未爲得也

船之大者曰三板酒之美者曰括灘清邑人朱上杞好溪櫂歌云移來三板柳陰中青竹篙兒白篾篷知是上灘行不得挂

帆好待滿溪風綠簑換酒叩柴扉酌括灘清盡醉歸醉起却歌山月小鷺鷥白白夜鷺飛

清道光初知縣田君

瑞庭

建愍終祠於棗山聚無後之主四時

祀之後署守于公

尙齡

遷於巖泉門外馬明橋好義者復置

田爲經費咸豐八年燬於寇同治十二年邑人林廷發等捐建於東鄉之老鴉壩余爲文記之然禮於先世之主親近則桃今以不知誰何之人而升諸去墀爲鬼之上殆於過情雖就公厲族厲之意推類以盡之似未爲不可而功令祭厲不設主以城隍神蒞之耳故不附愍忠祠於厲壇條下而別出於此

清道光二十六年六月於小白巖訪得宋林處士墓碣龍泉何澹撰不著書者姓名審其筆勢與澹書應星樓郭碩人二碑相似知卽澹書也處士名端字大方爲架閣林椅之父椅著周禮綱目八卷見直齋書錄解題碣言處士習易禮則椅於禮經乃其家學矣此碣久仆水次村民搗衣其背未經摹搨故鋒棱完美如新脫手亟買他石置水次而遷碣於麗學鄉賢祠中

南鄉下蒼西岡土人掘得宋李屋古壙李剛作壙誌正書三百七十餘字內敍女適同里進士張源孫長剛次廩出繼安豐教授李鴻之孫查選舉李鴻嘉定癸未進士無張源名姑記

麗水縣志

卷十四

雜記

十四

麗水啓明印刷所代印

此以俟考

栝蒼彙紀載括蒼十景皆屬麗邑如樺山賢關錦山道院之類率皆俚鄙又有麗水八景曰麗陽春曉白雲疊翠巾山夕照梅山霽雪少微煙雨三巖瀑布好溪夜月濟川飛渡稍爲爾雅近歲吳縣張迪民復更定其目各爲詩紀之曰萬象登高

萬象一憑闌了了見城市
坐看琵琶洲落日蒼煙起 三巖聽瀑 飛流絕壁來瀉入寒潭
靜琴筑滿空山隨人心

自領 南明石梁 西來迦葉心
誰欲問迷津 依即歡喜 白雲竹徑 山徑螺紋
旋世界蓮

花似僧老白雲
中寺藏修竹裏 石牛古樟 臃腫世所棄至今
渡頭問兀兀閱盡往來人 椒山老

桂 葉子讀書堂
我假翁榻來一月香 雲 粟 法海晨鐘 招提近市塵
唐宋時憑一杵鐘喚

醒千 家夢 碧湖秋墅 秋水灣灣碧秋林葉紅
谿山無限好欠著一詩翁 迪民署縣事有惠

政在永康民尤德之祀諸名宦循吏之言足以增成故實矣
釀之得名最早者曰金盆露見宋田錫麴本草及元宋伯仁酒

小史

伯仁所列凡一百二種
處州金盆露次十一

其次曰栝灘清曰綠衣黃釀綠

衣者造米麴色如槐綠名綠衣麴也今則以蓼汁和麥麴復
雜以紅衣麴釀成作殷紅色呼曰蓼花紅綠衣之製浸微矣
周禮遂人治畛涂道路以達於畿月令亦曰開通道路麗邑峯
環嶺匝不獨山徑崎嶇卽通衢間亦窘步近歲次第葺治皆
成坦途厥功甚偉舉其大者彙書於後城中街道向以溪石
鱗次舉步磊落清道光六年南自府前至南明門東至巖泉
門西至通惠門北至望京門西南至括蒼門東南至行春門

麗水縣志

卷十四

雜記

十五

麗水啓明印刷所代印

皆易以石板計用錢六千七百緡有奇邑人顏學賢所捐也

東自巖泉至却金館凡四十里道光十七年山水壞要害處

觀察使陶

士霖

慶

廉

二公及署瑞安協葉公

紹春

先後倡修

慶公爲文記之西南大路自水南至石牛二十里小山呂和
韶捐修自大港頭至玉溪五里本莊周和茂捐修北鄉大路
自望京門至花街十里邑人譚鳳鳴黃山張朝選合修風雲
嶺太平王國祥捐修玉山至大鶴嶺十里安溪何雲階捐修
社壇嶺西溪朱殿采捐修草鞋爬勾嶺路尤險雨行輒顛躓
庫川朱景熙於石堂山鑿石通道上至黃狗盤窩凡六里又
奇峯庵至潘桑園凡十里稽勾嶺磴道凡二十里亦景熙捐

修也

葛源大中祥符五年進士子良嗣皇祐五年進士栝蒼彙紀俱作麗水入鄞志俱作鄞人於良嗣下注云貫開封浙江通志以源為鄞人良嗣為麗水人

倒作嗣良別於嘉祐二年出鄞人葛良嗣並誤

案王介

甫葛興祖墓誌云許州長社縣主簿葛君諱良嗣字興祖其先麗水人父徙居鄞興祖葬其父丹徒故今又為丹徒人云云蓋葛氏雖徙鄞其仕籍尚著麗水本貫故傳聞互出鄞志云貫開封者復以其官許而誤傳也今選舉門從實而載其名人物門則不為作傳以遠扳附之嫌

章良能入選舉不入人物同此意吳思齊

僑居異縣而故土之思惓惓莫釋入之人物從其本志也附案彙紀載源上書論中貴人一事云官終湖北路提點刑獄考

麗水縣志

卷十四

雜記

十六

麗水啓明印刷所代印

臨川葛興祖志則源終尚書度支郎彙紀誤也

陳直齋書錄解題括蒼志七卷教授曾賁撰乾道六年太守四

明樓璩序黃虞稷千頃堂書目括蒼志補遺四卷樓璩撰此

括郡地志之最古者次則陳百朋括蒼續志

一卷亦見書錄解題陳嘉泰間

人何振卿括蒼彙紀序溯郡志源流舉陳而不及曾樓疎矣

序又云紹興間始為括蒼圖經亦不言誰作

此外若元梁載處州路志明鄭宣郡

志補遺劉宣成化處州志何鏗栝蒼彙紀

萬歷乙卯修

葉志淑續

處州府志

萬歷癸卯修

王一中崇禎處州府志

明正德十六年張東之兵備藏書碑

有處州府志八本此又在成化之前不知何人所撰

清張元樞順治處州府志劉廷璣

康熙處州府志曹掄彬雍正處州府志今所見者惟何葉曹

三書而三書中惟何氏多有可采餘皆黃茆白葦耳

宋史藝文志括

蒼慶元志一卷邵筭撰此乃慶元縣志冠以括蒼者以別於明州之慶元也浙江通志入之處州府志類中誤也

浙

江通志載雍正麗水縣志略一卷蓋時方編輯通志官吏奉檄塞責之作不足為典要故書亦不傳

麗邑鄉音如考曰口來曰釐之類稍涉學者皆知其與古合至讀為曰于則或訝其僻謬矣考古聲為于相通聘禮記賄在聘于賄鄭注于讀曰為詩定之方中篇作于楚宮作于楚室正義曰作為楚邱之宮作為楚邱之室是亦讀于為為也文選魏都賦張載注謝朓和伏武昌詩王融曲水詩序李善注引詩並作為楚宮作為楚室是所據本于皆作為二字同

麗水縣志

卷十四

雜記

十七

麗水啓明印刷所代印

音蓋顯然矣

案考讀口為讀于係雲和音蓋雲前實屬麗耳

錢塘袁子才南明寺詩試大圍樟樹自注云渡口古樟七人合抱吳縣張迪民令麗水時更定麗陽八景有石牛古樟考下河莊樟蔭數畝舊以為有神築豫樟廟祀之坑里莊樟生溪南偃臥溪北復著根於土居人往來樹上呼為仙人擲杖橋河邊村樟腹中空而枝葉張王無病狀水東村樊氏祖墓樟相傳為宋代所植根包其墓下趙概頭二村並有樟臨衢路大十圍行者時憩息其下皆輪囷盤鬱逾於南明石牛者也漢相張蒼魏文侯樂人竇公年逾百歲見於班史此其可信者也若方士李少君輩則詭誕之詞耳後史所載其信而有徵

者如魏書羅結唐書曹憲之屬殆亦無幾麗邑二百年來其
以遐齡具報者十五都采桑莊湯志鼈一百歲康熙二十三年詳河

東莊葉常清一百五歲嘉慶十年詳雙溪莊潘作楫一百四歲嘉慶

二十二年詳畎岸莊江雲光一百一歲嘉慶二十二年詳二十四都桑開祿

妻潘氏一百歲道光九年詳八都陳典一百歲道光十年詳館上胡雲

福妻王氏一百歲道光十年詳其未具報者又有岱後村謝雲松

百十五歲妻李氏百十二歲巉崆吳景鳳百歲上金竹邱勝

輝百五歲庫川朱忠盛百一歲葛渡周繼炆妻李氏百二歲

李氏於道光二十三年旌謝夫婦及吳景鳳並於嘉慶中卒邱朱二人於道光中卒皆居萬山中罕知者其將近

百歲者有畫洋吳漢雲九十七歲城內梁榮宗九十四歲譚

麗水縣志

卷十四

雜記

十八

麗水啓明印刷所代印

鳳翥妻許氏九十三歲氏卒年九十九於光緒六年奉旨旌表恩賜粟帛北鄉小安

楊存生現年九十一歲目不昏花視遠不藉眼鏡艾耄椿齡

並興接武王仲任曰太平之世多長壽豈不信哉書之以志

當代歛時錫極之休焉

縣東五十里花圩山有石穴廣數丈土白如麵清道光十六年

歲饑民乏食時有牧童至此一老婦語之曰此土可餐牧童

告知遠近共取此土活數百人疑老婦為觀音化身後遂名

此為觀音麵

縣東八畝山下有龍潭廣二丈餘深數十丈前後石壁峭絕飛

流如練昔術士李七相經此見一龍入潭因坐石上望其浮

沉去後見坐處深入數寸每歲旱於此祈禱有濁泉湧出卽得雨民賴之近年民多卜居於此穢水入潭遂不驗

縣東五十里沈村莊夏坑橋有紅梅一株清乾隆甲辰嘗有人赴都經此天未明見一女子依樹立問其姓名不言俄吟詩云歷盡冰霜放較遲人間錯認杏桃枝丹心獨抱回春意除却東風恐未知聽者奇之瞬息而隱後名此爲梅樹橋

王公設險著於大易麗居萬山中多要害之處集中不立關隘門以其轄於他縣也

如桃花隘屬縉雲之類

而縣南七十里有礮門嶺

徑長壁峭高數十丈又有大杉嶺長二十五里爲甌閩捷徑嶺頭有內外二嶠外嶠左爲大壯燄山高插雲漢霧氣可占

麗水縣志

卷十四

雜記

十九

麗水啓明印刷所代印

晴雨咸豐十一年村民於二處磊石守禦共殺賊數百人賊懼退不敢復窺伺境內以安是亦一夫當關萬夫莫開之奧區也

三餘贅筆云浙中少水人多於山上置閘蓄水遇旱開以灌田曰沛縣西五十里寶定莊有山塘衙村民以其地田多水少於同治十年集資鳩工甃堤蓄水灌溉百餘畝俗呼蓄霖沛禹勤溝洫禮記坊庸水利宜亟講也麗之通濟好溪二渠其澤溥矣別有山水自十八盤達岑溪築堰醞渠亦始於詹南二司馬所謂觀阮堰也其地迤邐而下水勢迅駛難以停蓄每有畝田卽用小堰截水以資灌溉而近日惰農不知先事預

防必待晴久始行攔入前數堰築斷下流卽涸稍旱往往以
爭水涉訟貢生魏庭亮議約各村紳耆司其事每年三月雨
晴卽集耕者於堰口將水攔入田溢出阡歸於下堰以次遞
及阡涸而田有水可濟半月有餘不逢大旱皆得有秋又議
堰上加小隄中用木牯視水大小以爲蓄放如是雖大旱亦
有備無患此議頗當遵而循之亦通融之一法也以上舊志
南鄉沙溪隄岸屢被洪水冲坍清光緒二十一年村人於此處
拾得古錢甚多復攜鋤掘之竟有數十千皆半兩也又有銅
條等件綠鏽纏結古色蒼然好古者競相購易考秦時有半
兩錢漢建元五年罷三銖錢行半兩錢洵古物也

王石門光祿

一中

明天啟時巡按山東適白蓮教徐鴻儒作亂

勢甚猖獗光祿襄助巡撫趙公彥治軍事終歲不遺一字回
家亦不接家下一字二載期滿瓜代猶臥薪嘗膽不敢弛擔

見其答魯王啓

去魯後並捐遺積千金充軍餉

見其致趙撫簡

洵可謂盡忠

國事有靖匪錄二卷傳世後其來孫維球清嘉慶時以拔貢
授隴省州判適湖北白蓮教王三槐齊寡婦等煽亂當道檄
參戎幕維球卽規取光祿靖匪錄遺意用於筆札五載之中
輾轉秦隴楚蜀間均得獎叙有加旋陞署鶴峯知州至今邑
中雲初蕃衍可見君子之流澤長矣

洪楊亂後邑民半遭殺戮田賦一項頓形短絀黠者復相率隱

匿動至涉訟光緒初羅鏡堃明府蒞任目擊此弊乃柬招紳董設清糧局爲之清釐鄭達三明經贈以詩云羅公古循良治縣譜久讀長厚勝劉寬蒲鞭不忍扑爰述三百言張之示當局穆如挹清風讀罷洗煩酷由今思之羅公之惠政可見一斑矣

宜興潘詒卿明經

宅仁

博學工文嗜飲好清談清光緒初郡守

潘芸臺觀察聘修府志日與邑人許雨庭

一鈞

鄭達三

以德

把酒談詩屬稿未竟以應鄉闈辭去著有駢體文及思苓軒詩鈔詒卿性愛花木嘗與達三接花一日花方接聞鶉鳩聲恐下雨花爲所傷賦詩逐之達三亦有和韻其風趣可想見

麗水縣志

卷十四

雜記

二十一

麗水啓明印刷所代印

矣

鬱平陳六笙觀察

璠

工詩善書清光緒十三年來守栝郡己丑

秋調署台州在括教民栽桑養蠶紳士謁見孜孜訪問地方利弊當爲之事卽捐俸爲之自以年老在處易治不望他遷先後購湖桑十萬株分種城鄉各處選高材生肄業親爲評閱書院課外設二小課在署面試戊子秋試處士報罷深爲扼腕辛卯夏杪回括任壬辰春調任杭州有留別括州詩八首詩云一官如傳舍席煖又遷移

丁亥夏守括己丑秋調台辛卯夏杪回任甫八月又

杭調

拙政媿無補虛名負所知天敷春露日人重晚晴時十縣

花看遍西湖舊竹枝

乙丑分巡杭道忽二十八年矣

此行何太速此地忍

將離耕鑿風馴朴

民情尚朴

圭璋品特奇

土品尚端不預公事

寅寮寬禮數

甲令式官規

文武寅寮和衷共事不區區于儀節之末

厥土唯憐瘠何人富教施

栝民多貧正在籌開質庫以便民並課茶桑以興利購書訓士加課選材遽焉調任未觀厥成心殊耿耿

新除西

圃穢坐對南山陲

南明山在郭外五里己丑關署東小圃未畢調台顏曰雪泥小圃辛卯回任葺署西

廢園顏曰西圃蒔花種竹甫畢又有杭州之行

鳥勸花間酒蛩催竹裏詩衙清常放

吏課懶偶答兒長日無餘事揮毫墨半池

乞書者衆老興亦樂此不疲

煙

雨樓頭眺山城處處宜厖無驚月吠鵲每弄晴嬉麥浪浮青

隴茶香泛綠瓷卽堪娛暮景何事老忙爲

僻處山城差堪藏拙量移繁劇恐難

勝任 杭州賢太守蘇白大名垂自顧鉛刀鈍偏教毛檄持東風

扶弱柳晴市賣新絲長揖栝山去青青日繫思憩棠誰入詠

麗水縣志

卷十四

雜記

二十二

麗水啓明印刷所代印

折柳我彈詞耕織今仍重

男耕女織今古皆然括俗婦女鮮知織者蠶桑漸興勉習厥事十年

後大利之所出實救貧之良法毋廢半途

圖書古是師

籌藏圖書同學披覽慎勿散佚

無爭消雀

角

小民每以細事構訟前發息訟歌宜相勸誠

有志刷鴻儀

多士勉旃

長飲好溪水清

流心共期

常磴磴以清白自守并爲同官勗

佳話傳同譜重敲一局碁

己丑替人

爲傅少卿同年而今亦然洵佳話也

燕歸如舊識鷓退得無嗤憂樂書心版寬

嚴聽口碑劇憐春草碧夾路送征麾門外已歌驪多情酒一

卮休彈臨別淚且放舊歡眉祝遂籌車願詩成福履綏雙魚

相問訊遠寄厦河湄

河在東郭外五里

讀其詩其勤政愛民惓惓於

栝之意溢於言表卽此可見賢太守之循績矣

陽湖吳晉壬觀察

唐林

學問博洽家富藏書工詩精書法篆隸

冠絕一時清光緒乙酉奉檄總權括州公暇嘗集郡士會文親爲評點士林佩服丁亥括州大水詩云淫霖狂挾水滔滔人畜連踪逐怒濤劫過蟲沙渾似洗威揚蛟蜃利於刀扁舟爭唱公無渡比野真成地不毛無計發棠空扼腕自馱蟻粒慰鴻嗷所著有姓氏通五十卷橫山草堂詩文稿若干卷其手書紅葉詩十二章今藏孫孝廉壽芝家誠風塵吏中不可多得者也

趙寅臣太守

亮熙

四川宜賓人光緒十八年守括壬寅夏以郡

齋素心蘭盛開一盆得並蒂四枝花樣各不相同姿態橫生清芬可愛花十六枝結蘭孫多至五十餘顆洵屬異觀又有

麗水縣志

卷十四

雜記

二十三

麗水啓明印刷所代印

鷄冠一莖並蒂兩花大各二寸許中茁一小花亦鮮艷可喜同時鄉人又獻並蒂蓮兩枝並蒂西瓜一枚時縉雲龍泉均以嘉禾獻瑞聞太守謂爲一氣相感所致作括蒼五異詩五

章並蒂素心蘭有云昔日池蓮曾獻瑞

自注道光壬辰余家塾中曾開並蒂是科

常熟翁文瑞公典蜀試先君登賢書先叔中副車爰名家塾爲瑞蓮書屋越六十年叔平相國爲題額焉 他年苑

杏許同栽並蒂蓮有云濂溪雅結同庚誼麗水駢生太乙枝並蒂西瓜末聯云好將一幅新圖畫譜入豳風七月篇嘉禾首聯云萬姓臚歡八月中縉雲大熟劍川豐鷄冠一蒂三花有句云峙立鬥風曾勝否成羣嘒月有聲無明年閏五月初又連得匏瓜紫茄碧桃數種以爲罕見署中又開建蘭二枝

並蒂連理較之往歲四枝花樣又異八月東院玉蜀黍一苞
四穗或云大豐年曾見有三穗者今見此異瑞則十縣皆豐
可爲預兆又爲賦並蒂建蘭並蒂桃實並蒂匏瓜一蒂三瓣
茄子玉蜀黍續五異詩五章並於聽事前演劇以相慶賞任
父老幼穉入內觀覽一時傳爲美談其子紹平太史增琦亦
有枯蒼郡齋並蒂素心蘭詩四首清新俊逸足徵家學淵源
逾數年卒於栝署太守哭之慟太守以部郎出守括州旋調
台復回括任於文士多所獎借惟稟性剛直嫉惡褻嚴見有
不循禮者卽面斥弗貸以故遇事不無偏激處後終於括任
至今邑人多喜談其軼事云

巖泉在縣東二十里爲桃花嶺之初步自縣赴縉須經其地山
勢軒昂澗水交流風景頗佳府學項冰夫廣文炳珩有絕壁
青屏蔽飛流白練懸松陰橫客擔竹裏逗人烟之句爲人傳
誦

西鄉保定高路長百餘丈前爲通濟渠路則通濟渠之隄岸也
有石犀牛一置路側不知始自何代相傳取犀能分水之義
以資鞏固殊屬荒誕無稽今隄岸之受水處每至潰壞成穴
洩水出溪於農田關礙頗多後之人勿謂恃此可以高枕無
憂也

侯官陳毓陶知事

贊唐

能文喜吟詠民國五年宰麗捐廉倡修

文廟及秦淮海祠於祠前建一覽亭案牘餘閒時與邑人士
詩酒往來其題秦淮海祠詩云小溪沙路外謫宦此羈身不
見藤陰古空餘柳色新鶯花何處是烟雨一樓鄰往事今休
問哀哀痛黨人卸篆時又有留別詩四章茲錄其殿云琴樽
檢點我將行綠水蒼山問去程別後相期書一紙宦餘猶是
袖雙清風霜北陸殘年迫煙雨南園舊夢縈曾記手栽官道
柳祇今憔悴縮離情

六舟別鐙圖爲新安程司馬守謙所鈎撫藏吳氏元圃家題詠
盈帙識者賞之秀水盛詵孫廣文傳均時在光緒辛卯仲冬題云六舟

開士眞高人鏤金鑿石施新劊古人已矣古器在髣髴秦漢

麗水縣志

卷十四

雜記

二十五

麗水啓明印刷所代印

之遺型漢家有鐙名雁足剝蝕土花暈青綠剔之知是景甯
銅不混趙肖與齊六神物流傳各有主銅鼓齋中蝸篆古新
安司馬技入神鈎撫母乃天工補昔年分守來蒼山圖書彝
鼎紛爛斑吳生嗜奇得三昧傳鐙疑在空虛間吁嗟乎玉魚
金盃無人問司馬而今已黃土披圖我亦暗銷魂此事護持
賴元圃

清季縣人之享有大年者如城內吳竺庵邑諸生年八十二仙
里翁廷謙歲貢生年八十六葛渡周培棠附貢生年八十三
均重游泮水城內黃錫麟年八十水南俞文棟年八十管後
劉邦榮年七十均鄉飲賓蓮房李廷煌年八十五畫垺陳楊

氏現年九十均五世同堂城內節母王氏貢生何雲照妻年九十五戴丙南字良玉年九十二民國十一年奉 大總統題褒鄉黨稱孝匾額餘如西溪朱壽松百三歲板染韓春賢百四歲官橋林火炎九十八歲妻徐氏九十四歲黃山前張肇中九十五歲城內吳光榮字錦川九十歲何氏涂培槐妻九十歲王氏顧發坤妻九十歲又南源劉廷餘現年九十歲妻潘氏現年九十二歲潘氏劉禮博妻現年九十歲曾春祺現年九十二歲鄧雲盛現年九十二歲周國魁現年九十五歲丁茂德現年九十二歲翁雲羅現年九十一歲朱氏周彰法妻現年九十歲雅里李如遠李廷宣年皆近百歲黃村周榮順周彰戴年皆九十餘葛渡童金旺童金高童金章兄弟三人長八十八次八十五三八十鬚髮皓然精力不衰而黃耄台背巖棲谷飲不求聞達於世者更不乏其人想亦得山川清淑之氣有獨厚故雖幾經亂離亦能巋然獨存也